



Crisis Theologica

Cárdenes, Juan de

Sevilla, 1687

Cap. II. Discutitur secunda pars quæstionis de copula coniugali ob solam
voluptatem habita.

[urn:nbn:de:hbz:466:1-75689](#)

ta maneat ea propositio vniuersalis.

42. Suposito ergo, quod talis propositio vniuersalis maneret reprobata, etiam si non exprimeretur in ipsa damnatione, eo quod sit antecedens, vnde infertur ea prima pars propositionis, quae damnatur; cum re ipsa exprimatur in propositione damnata, tamquam antecedens inferens primam partem propositionis damnatam, dicendum necessario est, eam quaque propositionem vniuersalem simul damnari.

CAPVT II.

Discutitur secunda pars questionis de copula coniugali ob solam voluntatem habita.

ARTICVLVS I.

Refertur propositio damnata; & præmittuntur aliqua.

SVMMARIVM.

Septuplex finis, propter quem potest de facto haberi copula coniugalis. num.

44.

Quomodo bonum proliis sit finis primarius matrimonij, qua contractus, & qua Sacramentum est? n.45.

Licitum est uti copula coniugali propter finem primarium, & propter fidem Matrimonij. n.46.

An peccet venialiter, qui uititur copula coniugali solum propter significacionem unionis Christi cum Ecclesia. n.

47.

An liceat vacare copulae coniugali solum propter finem vitandi incontinentiam? n.48.

Et quid propter vitandam incontinentiam alterius coniungit? Ibidem.

Et quid propter vitandam incontinentiam

tiam in se ipso? Et referuntur tres sententiae. n.49. & 50.

An liceat vacare copulae coniugali solum propter sanitatem? n.51.

43. **N**ona ex damnatis proposi-
tio est hæc: *Opus coniugob
solam voluptatem exercitum omni pe-
nitutis caret culpa, ac defectu veniali.*

44. Qui, & quales sunt fines, prop-
ter quos licet, aut non licet vacare co- *Sanch.*
pulae coniugali; optimo, & maturissi-
mo iudicio discutit P. Thom. Sanchez
lib. 9. de Matrim. à d'p. 8. usque ad 11.
Ad mentem ergo illius præmitto pri-
mo, sepius plenum esse finem, propter
quem potest de facto haberi copula
coniugalis, nempe bonum proliis, redi-
ditio debiti coniugalis, significatio
unionis Christi cum Ecclesia, aut cum
humana natura, sanitas corporis, vita-
tio fornicationis, voluptas, & finis
alii quilibet extraneus.

45. Præmitto secundo, finem pri-
marium, ad quem contractus matri-
monij institutus est à natura, esse bo-
num proliis, in ordine ad conservan-
dam speciem. Sed quia etiam Sacra-
mentum est, qua tale, est institutum ad
generandam prolem in ordine ad glo- *Thom.*
rificandum Deum. Sic P. Thom. San- *Sanch.*
chez disp. 8. ex S. Thoma, & alijs. Et *S. Tho.*
ideo peccat venialiter, qui refert co-
pulam coniugalem solum ad haben-
dam prolem pro suo commodo, V.g.
vt habeat successorem, &c. Vbi adver-
tit, non esse necesse, quod habeat ac-
tualiter in mente, & intentione eum
finem primarium, sufficit enim virtua-
lis intentio.

46. Præmitto tertio, certum esse
apud omnes, licitum esse uti copula
coniugali propter prædictum finem
primarium, aut etiam propter fidem
matrimonij, id est, propter implendam
obligationem ex instituta reddendi de-
bitum Quod dilucide expressit S. Tho- *S. Tho.*
mas in cap. 7. Epist. 1. ad Corinth. his
verbis: *Actus coniugalis quandoque
qui-*

quidem est meritorius, & absque omni culpa mortali, vel veniali, puta cum ordinatur ad bonum prolis procreandae, & educandae ad cultum Dei: sic enim est actus Religionis. Vel cum sit causa redendi debitum; si: enim est actus iustitiae.

47. Præmitto quarto, quinque esse questiones circa reliquos quinque fines initio enumeratos, quarum tres priores pertinent ad hunc articulum primum, & duo sequentes ad secundum. Prima est, an peccet venialiter, qui vtitur copula coniugali, dumtaxat propter significationem expressiorem vñionis Christi cum Ecclesia. Ad quā dicendum est, esse veniale. Et ratio est, quia est dissentaneum rationi omittere finem intrinsecum matrimonij, & operari dumtaxat propter finem extrinsecum: atqui finis intrinsecus matrimonij, & copulae coniugalis est bonum prolis, & fides coniugij modo dicto; significatio autem est quid extrinsecum: ergo dissentaneum rationi est operari dumtaxat propter eam significationem. Sic etiam esset dissentaneum rationi velle baptizari, vel baptizare propter solam significationem sepulturæ Christi, & non propter finem intrinsecum iustificationis. Ita

P. Tho. P. Thomas Sanchez disp. 8 cit n. 14. ex *S. Tho.* S. Thoma, & alijs. Cuius oppositum *Pont.* docet Basilius Ponze lib. 10. de Matrim. cap. 8.

48. Secunda questio est, an liceat vacare copulae coniugali solum propter finem vitandæ incontinentiæ? Et si quidem sit propter vitandam incontinentiam alterius coniugis, certum est, in eo nullum esse peccatum: quia in eo fine invenitur fides coniugij, sive redditio debiti coniugalnis. Ut dicitur cap. *Secundum verba. 33. q. 5. ex S. Augustino.*

49. Quando autem coniux vacat copulae, solum propter vitandum in se periculum incontinentiæ, est maior

difficultas. P. Thom. Sanchez disp. 9. refert tres sententias, & omnes quidem Th. 8. in valde probabiles. Primi est S. Augustini varijs in locis, S. Gregori, S. Anselmi, S. Thomæ, S. Bonaventuræ, & plurimum Theologorum, & iurisperitorum, qui affirmant, esse peccatum veniale. Nititur autem hæc sententia in illis verbis Pauli 1. Corinth. 7. Reverti- mini in id ipsum, ne tentet uis Sathanas propter incontinentiam vestram. Hoc autem dico secundum indulgentiam, non secundum imperium. At ubi nulla est culpa, nulla est indulgentia. Deinde, quia ea copula habita solum ob vitandam incontinentiam caret fine primario.

50. Secunda est etiam plurimorum Theologorum, & iurisperitorum assertorium, nullam penitus in eo esse culpam. Nititur autem in eodem tex- tu S. Pauli. Nihil enim permisum in aliqua lege, potest ex vi talis legis esse culpabile: atqui ea lege S. Pauli permittitur illa copula ad vitandam incontinentiam: ergo ex vi eius legis id non est culpabile. Vtriusque sententia fundamēta, quæ utrinque sunt satiis vrgentia, optime proponit, & perpendit P. Thom. Sanchez. Cuius tertia sententia, quam etiam plures alij tuetur, cum Authoribus primæ sententiæ assérerit, cum quis vtitur copula coniugali propter vitandam propriam incontinentiam, si omnia alia media ad illam vitandam adhibeantur, & non sufficiant, nullum esse peccatum, & cū authoribus secundæ sententiæ ait, aliás esse veniale. Et limitat priorem patrem huius assertionis cum S. Antoni- no, quando nulla est spes proliis concipiendæ: nam si sit spes, semper erit peccatum veniale relinquare finem primarium matrimonij. Et prima sententia videtur probabilior, quia non licet omittere finem primarium, & quia est sententia Sanctorum Patrum.

51. Tertia questio est, an licitum

Nn si

sit vacare copulæ coniugali solum propter sanitatem. Et prima sententia, vt refert P. Thom. Sanchez disp. 10.) docet esse veniale; quia omittitur

Tb. San. finis primarius, & pro ea stat S. Thomas, & plures alij Theologi. Secunda, quam alij Doctores propugnant, docet, nullam esse culpam. Quilibet enim magis tenetur consulere suę salutem, quam alienę: sed ob bonum prolis licet uti copula coniugali: ergo à fortiori ob salutem propriam, maxime cum sanitas includat bonum prolis; coniux enim bona vtens valetudine aptior est gignendae proli. Vnde qui utitur copula coniugali propter sanitatem, virtualiter vult bonum prolis. Tertiam medium tenet ipse Thom. Sanchez cum alijs, nempe nullam esse culpam, si nullum aliud sit mediū inserviēt sanitatis. Nam hoc probat fundamentum allatum pro secunda sententia; esse tamen veniale, si cum adsit aliud medium tuendae sanitatis, assumitur copula solum propter sanitatem, ut probat prima sententia.

52. Sed mihi verior videtur prima sententia. Nam qui indiget eo medio ad sanitatem, non erit medium efficacius, si adhibeatur, omittendo finē primarium, quam intendendo illum. Itaque si intendat finē primarium, & simul sanitatem, nullum est peccatum; si autem intendat sanitatem dūtaxat, omittendo finē primarium, in hac omissione peccat venialiter.

ARTICVLVS II.

Deciditur præcipua quæstio de copula habita propter solam voluptatem.

SVMMARIVM.

Non est illicitum vacare copulæ coniugali propter voluptatem tamquam

*propter finem subordinatum n. 53.
Voluptas ordinata est à natura ad faciliorem generationem prolis. num. 54.*

Eo ipso quod habeatur propter voluptatem tamquam propter finem subordinatum, non habetur propter solam voluptatem. n. 55.

Illa propositio nona merito damnatur, quia adversatur doctrina Sanctorum Patrum. n. 56.

Refertur doctrina Sanctorum Patrum. n. 57. & seqq. Et communis sententia Theologorum, & juris prudentum. n. 61.

Qui utitur copula coniugali propter solam voluptatem, invertit ordinem naturae. n. 63.

Omnia delectabilia ordinantur ad aliquam vita necessitatem sublevandam. Et quid inde pro conclusione? n. 64.

Culpa venialis est, uti copula coniugali propter finem extraneum matrimonij, si fiat propter illum solum. num. 65.

53. Pro claritate questionis, & legitimā intelligentia damnationis huius nonæ propositionis suppono, nullam omnino esse culpam, vacare copulæ coniugali propter voluptatem tamquam propter finem subordinatam fini primario matrimonij. V.g. cum quis vult illi copulæ vacare propter volupratem, in ordine ad generationem prolis, ita ut habeat voluptatem pro fine intermedio; & generationem prolis pro fine primario, ad quem dirigitur voluptas.

54. Hec positio patet primo. Nā qui sic operatur, sequitur ordinem naturæ. Hæc enim destinavit voluptatem copulæ ad reddendam facilorem generationem prolis, & conservationem speciei. Sic enim S. Thomas citatus cap. præced. affirmat, omnia delectabilia ordinari ad aliquam ho-

hominis necessitatem sublevandam:
atque adeo delectatio copule coau-
galis ordinatur ad necessitatem con-
seruandæ speciei humanae.

55. Secundo. Nam propositio
damnatur, quatenus assertit, licetiam
eis eam copulam habitam propter so-
lam voluptatem: atqui eo ipso, quod ha-
beatur propter voluptatem, tamquam
ter finem subordinatum fini primario, non
habetur propter solem voluntatem,
cum habeatur principaliter propter
finem primarium: ergo non dam-
natur propositio assertens, licere eam co-
pulam propter voluntatem tamquam
propter suam sic subordinatum.

36. Dicendum ergo est, merito
esse damnatam eam propositionem,
quæ negit, copulam coniugalem ha-
bitam propter solam voluptatem, ci-
rere omni culpa, etiam veniali. Cen-
sebo autem, esse sufficiens motivum
pro damnatione illius, quod Sancti Pa-
tres doceant oppositam sententiam.
Nam in materia morum doctrina Sä-
ctorum Patrum, qui precipue in ma-
teria morum a Deo illuminati sunt,
pro certâ regula tenenda est; nisi forte,
quando inter ipsos Patres est contro-
versia.

57. Et quidem S. Augustinus lib.
S. Aug. 5. contra Julianum cap. 7. hæc verba
habet. Egimus ex Apostoli testimonio,
ut sciat unusquisque suum vas, id est,
suam coniugem possidere, non in morbo
desiderii, scut gentes, que ignorant Deum:
quod exponens dixi, non coniugalem, hoc
est, licetum, honestumque concubitum
fuisse prohibitum, sed ut operis eius cau-
sa sit voluntas propaginis, non carnis
voluptas: & quod sine libidine fieri non
potest, sic tamen fiat, ut non propter li-
bidinem fiat. Docet ergo S. Augusti-
nus, prohibitionem propositam in eo
Pauli testimonio non prohibere co-
pulam coniugalem, sed quod copula
coniugalis non fiat propter libidinem,
sive carnis voluptatem. Et lib. de bo-
no coniugali cap. 6. ait: Coniugalis co-

cubitus generandi causa non habet cul-
pam; concupiscentiae vero satiande, ta-
men cum coniuge, veniale.

58. S. Gregorius relatus in cap.
Vir cum propria. 33. q. 4. cum agens de
copula coniugali, dixisset: *Voluptas ip-
si sine culpa nullatenus esse potest.* Pos-
tea id explicans ait: *Cum enim non
amor procreanda sobolis, sed voluptas
dominatur in opera commixtionis ha-
bent coniuges etiam de commixtione
sua, quod defleant.* Id est, cum coniug-
es commisceantur non propter amo-
rem procreandæ sobolis, sed propter
amorem voluptatis, culpani habent,
quam deflere debent.

59. S. Anselmus in cap. 7. Epistole
ad Corinth. ad ea verba, *Hoc autem*
dico secundum indulgentiam, non secun-
dum imperium; hæc verba habet; Tunc
enim solum coniuges sine culpa sunt in
admixtione, cum non pro explenda li-
bidine, sed pro suscipienda prole miseri-
tur.

60. S. Thomas in eiusdem tex-
tum epist. i.ad Corinth.sic ait: *Quan-*
doque vero (actus coniugalis) est, cum
culpa veniali, scilicet cum quis ad actum
matrimonialem ex concupiscentia exci-
tatur, qua tamen intra limites matri-
monij sif sit, ut scilicet cum sola uxore
sit contentus. Quid etiam docuit in 4.
dist. 31. q. 2. art. 3. corp.

61. Constat autem, hanc esse cō-
muniorem sententiam Doctorū, quos
refert & sequitur P. Thom. Sanchez
lib. 9 de Matrim. disp. 11. num. 4. Hi sunt
Magister, S. Bonaventura, Durandus,
Ricardus, Albertus Magnus, Paluda-
nus, Gabriel, Borrilongus, Sotus, Alti-
siodorensis, Gerson, Orbellis, D. Anto-
ninus, Abulensis, Victoria, Petrus de
Soto, Ledesma, Veracruz, Margarita
Confess. Pedraza, Angeles, Enriquez,
Barth. de Ledesma, Pet. de Ledesma,
Rodriguez, Emmanuel Sa, Cañedo,
Capua, Alensis, Adrianus, Metina. Et
ex iurisperitis Glossa in varios textus

Nn 2 iuris.

Nevo. iuris, Alexander de Nevo, Præpositus,
Præposi- Henricus, Raynerius, Friburgo, Asten
Henric. fisis, Angelus, Rosella, Sylvester, Tabie-
Rayn-r. na, Armilla, Turrecremata, Gaeta,
Friburg. Gregorius Lopez, Perez, Matienzo, &
Asten. Angel.
Angel. Vgolinus. Et ideo Authores Societa-
Rogila tis stant pro hac sententiâ. Ita vltra
Silvestr. Iabina. Thom. Sanchez, & Enriquez lib. 11.
Armillia. cap. 4. num. 2. Toletus in Sum. lib. 7.
Turrecr. Gaera. cap. 24. num. 2. Tannerus quæst. 6. de
Gregori. Matrim. dub. 3. n. 42. Fagundez in 6.
Perez. Matring. præc. decal. lib. 6. cap. 3. num. 5. Præpo-
Matring. Vgolina. situs quæst. 6. de Matrim. dub. 23. num.
Th. Sæb. 172. Amicus disp. 26. de Matrim. seçt.
Enrig. Tola. 3. n. 36. Dicastillo disp. 9. de Matrim.
Tanner. dub. 2. num. 14. Conink disp. 34. de Sa-
Fagund. cram dub. 1. num. 12. & quam plures
Præposi- alij.
Amicus. Dicastillo.
Conink.

62. Cum ergo hæc sit sententia Sanctorum Patrum, & quam agmine factò secuti sunt Theologi, & iurisprudentes, dicendum est, id esse sufficiens motivum ad damnationem oppositæ doctrinæ. Et authoritas paucorum, qui tenuere oppitam opinionem absque urgenti fundamento, reputari debet levis momenti; ideoque dare non potuit probabilitatem suæ opinioni.

63. Ratio autem, quæ suffragatur communi doctrinæ, est moraliter evidens. Est enim evidenter dissonum rationi invertere ordinem intrinsecum à natura constitutum pro conservatione speciei humanæ: sed qui vtitur copula coniugali propter solam voluptatem, invertit eum ordinem: ergo est dissonum rationi ut copula coniugali propter solam voluptatem, atque adeo peccatum saltet veniale. Minor patet: nam voluptas cōstituta est à natura in ordine ad copulam coniugalem, & procreationem prolis pro conservatione speciei: ergo invertit ordinem naturæ, qui non ordinat voluptatem ad copulam coniugalem, sed potius copulam coniugalem, ad voluptatem capiendā.

64. Confirmatur. Nam omnia delectabilia, quæ in usum hominis veniunt, ordinantur ad aliquam huius, vitæ necessitatem sublevandam, tamquam ad finem; ut loquitur S. Thomas citatus cap. 1. art. 3. quæst. 2. ergo voluptas, quæ intervenit in copula, ordinatur ad necessitatem conservationis speciei tamquam ad finem: ergo pervertit hunc ordinem, qui ordinat copulam ad voluntatem.

65. Et ex his patet ad quintam questionem, an sit peccatum veniale viti copula coniugali, propter finem aliquem matrimonio extraneum? V. g. propter consequendum à coniuge aliquod donum, vel propter aliud commodum. Nam ex dictis patet, si fiat solum propter eum finem, esse culpam saltet veniale; quia deseritur finis intrinsecus eius operationis, & asumitur solus finis extraneus. Id enim rationi dissonat.

DISERTATIO. VIII.

An teneamur diligere proximum actu interno, & formaliter; & an possimus præcepto diligendi proximum satisfacere per solos actus externos?

CAPUT I.

Referuntur propositiones damnatae, & aliorum placita circa earum intelligentiam.

NON EGIT SVMMARIO.

¹ **D**icitur ex damanatis propo-
sitio hæc est: *Non tenemur proximum diligere actu interno, & for-*